

Dárbbášatgo luomu?

SÁMI mánnábearrašiidda lágiduvvo bearašluopmu Hyrynsalmis Ukkohalla -nammasaš čuoiganguovddázis 6.-11. b. njukčamánuš.

Bearašluopmu lea oaivvilduvvon bearrašiidda, main goappašagat dehe nuppi vanhemiin lea sápmelaš. Luopmu sisttisoallá orruma, boradeami, vuojadeami luopmobáikki vuojudanáldásis ja veajudan-sále geavaheami, friddjaáigge ja joavkku prográmma. Luomus lea okta sámegielaš jodiheaddji, muhto muđui prográmma ja bagadallan leat suomagillii.

Luomu dárkilet prográmma válbmana manjeleappos. Luomus bearrat iežasoasi, muhto 0-16-jahkásaččaide luopmu lea nuvttá. Bearašluopmu ohccojuvvo sierra luopmodoarjjaohcamušain.

Ohcamuš galgá devdojuvvot fuolalaččat ja vuoduštit ohcama bures, dannego dat dávjá váikkuha luopmodoarjaga juolludeapmái. Maaseudun terveys- ja lomahuolto ry mearrida luopmodoarjagiid ja dieđiha daid birra bearrašiidda sullii guokte mánu ovdal luomu.

Ohcanrávvagiid gávnnat Maaseudun Terveys- ja Lomahuolto ry neahttasiidduin. Ohcamuša oktan deavdinrávvagiiguin sáhtát maid jearrat SámiSoster ry doaimmahagas Anáris dehe Heahtás. Luomu lágidity Maaseudun Terveys- ja Lomahuolto ry ja SámiSoster ry. Ohcanáigi nohká 7.12.2015. Lassidieduid addá **Anne Näkkäläjarvi**, anne.nakkalajarvi@samisoster.fi, tel. 040 35 04 007 ja **Saara Ketola**, saara.ketola@samisoster.fi, tel. 040 74 54 620. ❖